

www.e-rara.ch

La Cosmographie universelle, contenant la situation de toutes les parties du monde, avec leurs proprietz & appartenances

Münster, Sebastian

[Basel], [1568]

Universitätsbibliothek Basel

Persistent Link: <https://doi.org/10.3931/e-rara-124318>

De Cyrene ou Cyrenaique

www.e-rara.ch

Die Plattform e-rara.ch macht die in Schweizer Bibliotheken vorhandenen Drucke online verfügbar. Das Spektrum reicht von Büchern über Karten bis zu illustrierten Materialien – von den Anfängen des Buchdrucks bis ins 20. Jahrhundert.

e-rara.ch provides online access to rare books available in Swiss libraries. The holdings extend from books and maps to illustrated material – from the beginnings of printing to the 20th century.

e-rara.ch met en ligne des reproductions numériques d'imprimés conservés dans les bibliothèques de Suisse. L'éventail va des livres aux documents iconographiques en passant par les cartes – des débuts de l'imprimerie jusqu'au 20e siècle.

e-rara.ch mette a disposizione in rete le edizioni antiche conservate nelle biblioteche svizzere. La collezione comprende libri, carte geografiche e materiale illustrato che risalgono agli inizi della tipografia fino ad arrivare al XX secolo.

Nutzungsbedingungen Dieses Digitalisat kann kostenfrei heruntergeladen werden. Die Lizenzierungsart und die Nutzungsbedingungen sind individuell zu jedem Dokument in den Titelinformationen angegeben. Für weitere Informationen siehe auch [Link]

Terms of Use This digital copy can be downloaded free of charge. The type of licensing and the terms of use are indicated in the title information for each document individually. For further information please refer to the terms of use on [Link]

Conditions d'utilisation Ce document numérique peut être téléchargé gratuitement. Son statut juridique et ses conditions d'utilisation sont précisés dans sa notice détaillée. Pour de plus amples informations, voir [Link]

Condizioni di utilizzo Questo documento può essere scaricato gratuitamente. Il tipo di licenza e le condizioni di utilizzo sono indicate nella notizia bibliografica del singolo documento. Per ulteriori informazioni vedi anche [Link]

mais sur tout, on y trouue grande quantité d'argent & quelque peu or. Ilz vsent aussi ordinairement en guerre d'une sorte de Mantes, & de certaines iuppes fort rebourrees de Cotton. Touchant la fondation tant de la Citadelle, que de la Cite de Cusco, ont tient que le Prince Oregio la fonda: lequel ayant conquis tout le royaume de Peru, iusques a Bileas, & voyant la belle asiette de ce lieu, y fit bastir la Cité de Cusco, & la citadella, dont auons parlé cy dessus. A l'imitation duquel tous les Seigneurs dudit pais tascherent d'auoir maisons alentour de ladite ville: de sorte qu'on peut descouuir la Citadelle de Cusco, plus de deux mille maisons de Gentilz-hommes qui sont alentour de ladite ville.

Des deux Syrtes.

ENviron la fin du pays d'Afrique vers Egypte, il y a deux lieux fort perilleux en la mer, qui sont appelez Syrtes, a cause des eaues qui tirent de couste & d'autre. Car syrein en grec signifie tirer Or il y a eu ces lieux grande inequalite de mer & de terre. Car en vn lieu il y a grãde profondite de mer, & en un autre on y peut aller a gué. Quand le uent souffle, les monceaux de sable qui estoient sur la mer s'auallent bien bas, & ce qui estoit bien bas s'esleue incontinent au dessus des eaues. Or ilz disent que ce sable est aucunes fois transporté, par le mouuement de la mer, flottent & reflottant, iusques a dix & aucunes fois a uingt mille. De là aduient que la mer qui est auourd'hui a gué sera de main fort profonde, & au cōtraire, le sablon qui est au profond de la mer se meut d'un lieu en l'autre selõ que le souffle des uentz & le flot de la mer le poussent en une part ou en l'autre. De là aussi aduient que les nauires qui sont iettée en ces lieux cachez & fangeaux: ne peuuent eschapper qu'elles ne perissent. Car les nauonniers ne peuuent preuoir où l'amaz de sablon s'est areste, pource qu'il n'a point de lieu certain ne arreste. Pour ceste cause ilz nauigent de loing, se donnãt garde d'estre surprins des uentz, de paour d'estre iettez es goulphes sablonneux. Or ce dangier ne se trouue pas seulement en la mer, mais aussi en la terre mesme, principalement uiz à uiz de la grãd Syrte. Car il s'amasse là en vn tas, & de rechef est disperle par les uentz, & amasse en un autre lieu: & suffoque tout ce qu'il couure. Or il y a deux syrtes de mer, semblables de nature, mais differetes en grãdeur, & s'appellent la maieur & la moindre, & sont separees l'une d'avec l'autre, de deux cens cinquante mille. La mineur est distãte de Carthage de trois cens mille pas, & autant de tour. La maieur de 425. mille pas. Seruius dict qu'on appelle Syrtes par tout où les lieux sont sablonneux en la mer. Ilz disent que Tacapa est situee iouxte la mineur. Laquelle ayant les champs sablonneux par tout, toutes fois par vn miracle de nature sont tellement fertiles, que les vignes y raportent deux fois l'année. Ilz disent aussi qu'ilz ne pleut gueres en l'Afrique là mineur: mais que Dieu qui pouruoit a tous, enuoye au lieu de pluye si grande abondance de rosee au matin, qu'elle donne assez de vigueur a ce qui est sur la tetre, & arrouse abondamment la face d'icelle.

De Cyrene ou Cyrenaique.

LA region Cyrenaique prend sa domination de Cyrene ville metropolitaine, laquelle est vn champ si eminent qu'on la peut bien voir de la mer comme Strabo tesmoigne qui l'a veue. Ceste uille a este bastie en la montaigne de Cypre par un nomé Batus Lacedemonien, & s'est grandement augmentée a cause de la bonté du pais. Car elle nourrit grans harans, & produit de bõs fruitz. Iustin au 13. liure faict mention de ce Batus, & dict qu'il estoit appellé Aristeus. Or Cyrene a este iadiz souz les roys d'Egypte quelque espace de temps, mais finalement elle est uenue en la puissance des Romains, & fut reduicte en prouince, & conioincte avec Crete. De Cyrene toute la Libye a este appelée Cyrenée. Pline appelle ceste region Pentapolitaine, du nombre de cinq uilles, desquelles elle est fort renommée, dont uoicy les noms: Berontique, Arsinoe, Ptolemais, Apollonie, & Cyrene. Il y a aussi une autre uille appelée Cyrene en l'isle de Cypre, que Cyrus bastir, dont on pē-

se que Simon pere d'Alexandrie & de Rufus estoit natif, comme dict l'Euan geliste. Toutefois S. Augustin pense qu'il estoit d'Affricque. Cyrenaique est plus haulte que n'est Egypte. Car quand on va de Cyrenaique en Egypte, on descend continuellemēt par vne vallee droicte, qui est en Egypte. Et pour ceste cause Egypte surmonte les autres pays en champs & prairies, pource que de toutes partz on y peut faire couler des ruisseaux. Aucuns escriuent que les champs qui sont alētour de la ville de Cyrene sont merueilleusemēt plaisantz, principalemēt des sources de fontaines, de iardins, & d'arbres, &c. Strabo escrit que de son tēps ceste ville cōprenoit octante states de circuit, & qu'elle a eu quelque gens de sçauoir, comme Callimachus poete, & Sineus orateur. Les luifz ausi y ont eu long tēps deuant la natiuité de nostre seigneur, avec les autres Syriēs vne synagogue estātz la transportez par Thiglath Peleser roy d'Assyrie, & sont là demourez iusques à la passion de Iesu Christ, comme l'Euāgile dict que Simō Cyrene en fut cōtrainct de porter la croix d'iceluy, dōt nous auōs ia fait mētion. Au reste la grāde fertilité que Cyrenaique & l'Affrique mineur, nes' estend point oultre trois ou quatre lieux, depuis la mer vers le mont Atlas, mais elle finist en sablōs steriles, auxquelz il ne croist rien, tellemēt que n'y au long n'y au large on n'y voit nul arbre, si nō quelques fois on y trouuera bien des mottes verdes où on veut demourez. Ceste region nourrit vers les montaignes des lions & des asnes sauuages. Elle a ausi beaucoup

Basilique.



Il n'y a beste plus nuisante que le Basilique.

de vers qui sont veneneux, mesmes serpenz & aspiz & encores des bestes plus nuisantes, comme basiliques. Or le basilisque est vne espee de serpent qui porte vne tache blanche en la teste qui luy sert comme de couronne, sa teste est fort aigue, la gueulle rouge, les yeux & la couleur tirent sur le noir. Il chasse de son sifflement (cōme Plin e scrit) tous les autres serpentz, il fait mouoir les arbrisseaux du seul souffle, il brusle les herbes rompt les pierres, infecte l'air où il demeure, tellement qu'un oyseau n'y sçauoit passer sans perir. Il tue les hommes de son seul regard. On dict que l'odeur des muftelles le fait mourir. Elianus en escrit ainsi, on tient pour vray que le basilisque a le venin si aigu que cōbien que la beste ne soit pas grande (car elle ne passe pas vn espan) toutes fois qu'il est ainct vn serpet de sa seule halene quelque grand qu'il soit. En somme, il n'y a beste plus nuisante sur la terre. Elle est pour faire mourir toute vne cite, combien qu'elle se tiēne en vne cachette. Les autres bestes veneneuses tuent l'hōme par attouchement ou morsure, mais ceste beste luy apporte la mort par sa seule presence. On trouue ausi es lieux ardentz de chaleur vne sorte de serpent, qu'on appelle Dipsas, lequel est bien court, blanc en couleur, & a deux rayes noyres en la queue. Celuy qui en est mordu entre en vne si grande soif qu'il ne peut estre rassasie, & en meur. Les autres l'appellent prester.

La description Marmarique.

Marmarique est vn region d'Affrique, laquelle selon Ptolemée, fust du costē d'occident en Cyrenaique, & du costē de septentrion en la mer mediterraneē, du costē d'Orient en Egypte, & deuers midy en Libye. En icelle sont les peuples Nasamons & Libyarches. On l'appelle auourd'hui Barcha. C'est vne terre hideuse et aspre: & quelle est la terre, tel est le peuple qui y habite, maufade & bestial. Ces trois regions sont distinctes, Cyrene, Marmarique ou Libye exterieure, & Egypte, par vne terre qui est entre deux, laquelle n'est point cultiuee, mais est sablōneuse & pleine de venin, & attouche le grand Syrt. Pour ceste cause on ne sauroit uenir qu'avec grāde difficulte & en dangier a pied de l'Affrique mineur en Cyrenaique, tant y a de sablon & profond, auquel ausi sont cachēes beaucoup de bestes uenemeues. Et c'a este la raison pourquoy les Chrestieos ont assubiecty Libye & Cyrenaique a l'eglise d'Alexādie qui est en Egypte, & Numidie a l'Affrique